



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DODJELI „ŠESTOAPRILSKE NAGRADE GRADA SARAJEVA“
U 2020. GODINI
ZA DOPRINOS U OBLASTI NAUKE I OBRAZOVANJA
JU „Treća gimnazija“ Sarajevo
(prijedlog)

Predlagač: Odbor za dodjelu
„Šestoaprilске nagrade Grada Sarajeva“ u 2020. godini

Obrađivač: Gradska služba za Gradsko vijeće

Sarajevo, mart 2020. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i člana 16. stav 2. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19), Gradsko vijeće Grada Sarajeva, na sjednici održanoj dana _____ godine, donijelo je

(prijedlog)

*ODLUKU
O DODJELI „ŠESTOAPRILSKE NAGRADE GRADA SARAJEVA“
U 2020. GODINI
ZA DOPRINOS U OBLASTI NAUKE I OBRAZOVANJA*

Član 1.

Dobitnik kolektivne „Šestoaprilske nagrade Grada Sarajeva“ u 2020. godini za doprinos u oblasti nauke i obrazovanja je *JU „Treća gimnazija“ Sarajevo.*

Član 2.

Nagradu uručuje Gradonačelnik i Predsjedavajući Gradskog vijeća na Svečanoj sjednici Gradskog vijeća.

Član 3.

„Šestoaprilska nagrada Grada Sarajeva“ dodjeljuje se u obliku Povelje i sadrži novčani iznos.

Član 4.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Dr. Igor Gavrić

Broj:

Datum:

OBRAZLOŽENJE

PRAVNI OSNOV

Pravni osnov za donošenje ove odluke je sadržan u odredbi člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je utvrđena nadležnost Gradskog vijeća za donošenje Odluke o dodjeli „Šestoaprilske nagrade Grada Sarajeva“, kao i odredbi člana 16. stav 2. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19) kojim je propisano da Gradsko vijeće donosi konačnu odluku tajnim glasanjem na zatvorenoj sjednici za javnost.

RAZLOZI ZA DONOŠENJE ODLUKE

„Šestoaprilska nagrada Grada Sarajeva“ dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva,

bez obzira na godinu ostvarenja, a koji doprinose ukupnom unaprjeđenju, promociji i razvoju Grada Sarajeva, kao glavnog grada Bosne i Hercegovine i Federacije Bosne i Hercegovine. Pod značajnim ostvarenjima podrazumijevaju se djela ostvarena u kontinuitetu koja se ocjenjuju kao doprinos razvoju odgovarajuće oblasti, u skladu sa kriterijima, uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Sastavni dio obrazloženja je prijedlog pristigao po Javnom pozivu za predlaganje kandidata za dodjelu „Šestoaprilske nagrade Grada Sarajeva“ u 2020. godini.

Nagrada se dodjeljuje kao kolektivna Nagrada za izuzetan doprinos *JU „Treća gimnazija“ Sarajevo* u „oblasti nauke i obrazovanja“, a u skladu sa Odlukom o uslovima i načinu dodjele „Šestoaprilske nagrade Grada Sarajeva“.

Odbor za dodjelu „Šestoaprilske nagrade Grada Sarajeva“ u 2020. godini je, razmatrajući pristigle prijedloge za dodjelu Nagrade, uputio prijedlog za po dva prvorangirana kandidata za dodjelu Nagrade za doprinos u oblasti nauke i obrazovanja i to Prijedlog Odluke o dodjeli Nagrade *JU „Treća gimnazija“ Sarajevo* i Prijedlog Odluke o dodjeli Nagrade *Prof. dr. Faruku Čaklovići*. Gradsko vijeće se, tajnim glasanjem, određuje o konačnom dobitniku Nagrade u 2020. godini u ovoj oblasti na sjednici Gradskog vijeća, a razmatrajući ova dva navedena prijedloga.

PREDLOŽENA RJEŠENJA

Članom 1. se imenuje dobitnik Nagrade u 2020. godini.

Članom 2. se određuje da Nagradu uručuje Gradonačelnik i Predsjedavajući Gradskog vijeća na Svečanoj sjednici Gradskog vijeća.

Članom 3. je utvrđeno da se Nagrada dodjeljuje u obliku Povelje i sadrži novčani iznos.

Članom 4. se određuje stupanje na snagu odluke i obaveza objavljivanja u „Službenim novinama Kantona Sarajevo“.

SREDSTVA

Sredstva za realizaciju ove odluke se planiraju u Budžetu Grada Sarajeva.

Grad Sarajevo Gradsko Vijeće
Odbor za dodjelu „Šestoaprilske nagrade grada Sarajeva“
Hamdije Kreševljakovića broj 3/1
Sarajevo

Bosna i Hercegovina Federacija Bosna i Hercegovina
Kanton Sarajevo - GRAD SARAJEVO
GRADSKO Vijeće II

PRIJAVI (PPG)	13-01-2020	
Org.-jed. (Prij.)	Prijavio	Wpisovnikat
01-GV-04-43	20	

Muamera Pašić, dipl. pravnik
Ul. Sestara Elčić 58 Ilidža
Telefon 061 914 139

**Prijava na Javni poziv o uslovima i načinu predlaganja kandidata za
dodjelu „Šestoaprilske nagrade grada Sarajeva“ u 2020. godini**

Podaci o kandidatu:

JU Treća gimnazija
Vilsonovo šetalište 16
71000 Sarajevo
tel: 033/724-500
fax:033/724-501
e-mail: info@treca-gimnazija.edu.ba
web: <http://www.treca-gimnazija.edu.ba/>

Obrazloženje prijedloga:

Treća gimnazija u Sarajevu počela je odgojno-obrazovni rad 1948. godine. Osnivač škole je grad Sarajevo, te je u toku 2018. godine ozbiljno osimšljenim edukativnim i zabavnim programom dostojno obilježena 70-godišnjica postojanja i rada škole.

U periodu od 1992. do 1995. godine školski objekti su teško oštećeni, a imovina uništena; bila je to prva odbrambena linija grada. Tokom osam godina raseljenosti u Sarajevu, JU Treća gimnazija je koristila dio prostora Poljoprivredno-veterinarske škole i OŠ „Hrasno“. I tokom ratnih godina, škola je gradila tradiciju prepoznatljivosti po demokratičnosti, humanosti i visokom stepenu obrazovanja i kulture njenih učenika.

U školskoj 2018/2019. godini uspješno je organizovano i realizovano 42 projekta koji uključuju sve učenike škole. JU Treća gimnazija je jedina srednja škola u Kantonu Sarajevo koja implementira STEM (Science Technology Engineering Mathematics) projekt nastave koji

uključuje multidisciplinarnu saradnju nastave matematike, fizike, informatike, hemije, biologije i geografije u svim odjeljenjima škole.

Predstavljanje škole podijeljeno je u četiri cjeline:

- I. Aktivnosti i nagrade na međunarodnim susretima i takmičenjima (str. 2)
- II. Aktivnosti u lokalnoj zajednici (str. 3)
- III. Aktivna saradnja profesora, učenika i reditelja (str. 6)
- IV. Uspješni učenici – svjetski poznati stručnjaci (str. 6)

AKTIVNOSTI I NAGRADE

NA MEĐUNARODNIM SUSRETNIMA I TAKMIČENJIMA

1. U okviru STEM nastave iz fizike, maturanti škole su u protekloj školskoj godini na vrlo inovativan i kreativan način pronašli rješenje problema semafora i raskrsnica u Sarajevu. Sa ovim projektom JU Treća gimnazija, kao STEM – model škola je učestvovala na konferenciji „Unapređenje osnovnog učenja i obrazovanja u BiH“. Također, učenici škole zajedno sa njihovim profesorom fizike su učestvovali i na Svjetskom kongresu WeAreDevelopers u Berlinu 2019. godine, a navedeni profesor Maličević Mevludin je u toj godini i jedan od 10 dobitnika nagrade za inovativne nastavnike u BiH.
2. JU Treća gimnazija je učesnica ceremonije otvaranja Evropskog omladinskog olimpijskog festivala (EYOF). Škola kroz svoj rad njeguje i inkluzivnost u nastavi na svim nivoima, te je tako i učenica prvog razreda sa Down sindromom sudjelovala na ceremoniji otvaranja EYOF-a nastupajući u dijelu programa „We create together“, moto koji je pokretač svih naših aktivnosti.
3. JU Treća gimnazija dobitnik priznanja „Škola za 21. stoljeće“ koje dodjeljuje Internacionalna liga humanista, čime je i na međunarodnom nivou prepoznat kvalitet i rad ove ustanove 8 aprila 2014.godine.
4. O međunarodnom značaju ove ustanove svjedoče i brojne saradnje i programi razmjene učenika sa zemljama širom Evrope i svijeta. Kao samo jedan od mnogobrojnih primjera međunarodne promocije škole i Sarajeva je saradnja hora Treće gimnazije sa Ambasadorom Japana i japanskim horom Kinjo Gakuin Glee Club u 2019. godini, a kruna te saradnje je bio svečani koncert internacionalne saradnje ova dva hora koji je 27.3.2019. godine održan u gradskoj Vijećnici.
5. **Takmičenja i nagrade:**

a) međunarodna:

- 1) učenik Edvin Đapo, koji je 2017. godine na 48. Internacionalnoj olimpijadi iz fizike U Indoneziji predstavljao školu, grad Sarajevo i BiH i osvojio bronzanu medalju u konkurenciji od 88 zemalja svijeta.
- 2) učenik Davor Bokan, je 2018. godine na 49. Internacionalnoj olimpijadi u Portugalu predstavljao školu, grad Sarajevo i BiH.
- 3) učenik Tarik Jelačić je 2018. godine učestvovao na Internacionalnoj olimpijadi iz geografije u Kanadi ponosno predstavljajući našu državu.

Federalno ministarstvo obrazovanja i nauke kontinuirano prepoznaje JU Treća gimnazija kao ustanovu koja predstavlja riznicu talenata koji postižu izuzetne uspjehe u oblasti obrazovanja i nauke i koja uspješno organizira odgojno - obrazovni rad u Kantonu Sarajevo i šire.

AKTIVNOSTI U LOKALNOJ ZAJEDNICI

1. Lokalna, kantonalna i državna takmičenja za 2018/2019. – izuzetni rezultati!

(više vidjeti na: <http://treca-gimnazija.edu.ba/nagrade-i-takmicenja/>)

- 1) Jesenji kros srednjih škola Kantona Sarajevo
- 2) Atletski kup srednjih škola – općinski nivo
- 3) Finale atletskog kupa srednjih škola Kantona Sarajevo
- 4) Školsko takmičenje iz Matematike
- 5) Školsko takmičenje iz Informatike
- 6) Školsko takmičenje iz Fizike
- 7) Školsko takmičenje iz Vjeronake
- 8) Spelling bee takmičenje – pčelice sricanja
- 9) Školsko takmičenje iz Engleskog jezika- iii razredi
- 10) Školsko takmičenje iz Francuskog jezika- treći razredi
- 11) Školsko takmičenje „Projekt građanin“
- 12) Općinsko takmičenje Prva pomoć
- 13) Općinsko takmičenje CIVITAS
- 14) Kantonalno takmičenje Matematika
- 15) Kantonalno takmičenje Vjeronauka
- 16) Kantonalno takmičenje Bosanski jezik i književnost
- 17) Kantonalno takmičenje Francuski jezik
- 18) Kantonalno takmičenje Engleski jezik

- 19) Kantonalno takmičenje Njemački jezik
- 20) Kantonalno takmičenje Stvaralaštvo učenika osnovnih i srednjih škola
- 21) Kantonalno takmičenje Fizika
- 22) Federalno takmičenje iz Fizike
- 23) Federalno takmičenje Vjeronauka
- 24) Državno takmičenje Vjeronauka
- 25) Državno takmičenje Njemački jezik
- 26) Olimpijada njemačkog jezika

2. **Nagrade, priznanja profesrima:** Plaketa za postignute izuzetne rezultate u oblasti obrazovanja i postignut kreativan rad kod djece i omladine od Općinskog vijeća Općine Novo Sarajevo. O značaju i uspjesima ove ustanove govore i mnogobrojna priznanja koja zaposlenike motivišu da dalje rade na promociji kvalitetnog odgoja i obrazovanja i promociji lokalne zajednice
3. **Dani otvorenih vrata:** Jedan od velikih projekata ove škole je „Dan otvorenih vrata“ kada se škola otvara za sve njene bivše i buduće učenike i učenice, i sve prijatelje škole koji žele posjetiti i vidjeti šta je to što škola nudi i čime se bavi. Na ovaj dan svake godine učenike i učenice završnih razreda osnovnih škola iz Kantona Sarajevo škola ugosti i pruži im uvid u opremljenost naših prostorija, kabineta, biblioteke, čitaonice, a sadašnji đaci demonstriraju različite ogledе i projekte s ciljem pružanja aktivnog učenja i otkrivanja vlastitih talenata, što je glavni imperativ rada ove škole.
4. **Humanitarna manifestacija „Naših ruku djela“** - U ovaj projekat je istovremeno implementirana, sada već prepoznatljiva i tradicionalna humanitarna manifestacija „Naših ruku djela“ koja aktivira svaki razred, odjeljenje i svakog učenika i učenicu škole, zajedno sa svim njihovim nastavnicima, Upravom škole i pomoćnim osobljem u pripremi radionica, projekata i prodajnog bazara. U sklopu ove manifestacije, učenici i učenice pripreme različite radionice, takmičenja, nagradne igre i prodajne bazare. Cilj ovog projekta je razvijanje empatije i svijesti o značaju humanitarnog i društveno – korisnog rada. Već osmu godinu za redom, sav novac prikupljen na ovaj dan se donira učenicima koji nisu u finansijskoj mogućnosti obezbijediti sebi odlazak na naturalnu ekskurziju. Na ovaj način škola vodi računa o svakom djetetu, te kroz zajedničku saradnju svih, obezbijede se novčana sredstva kako niti jedno dijete koje želi a ne može otići na ekskurziju, ne bi za to bilo uskraćeno. Ovaj projekat ne bi bio moguć bez stalne podrške i saradnje sa lokalnom zajednicom. Projekat uvezuje čitavu lokalnu zajednicu i postiže da svi njeni članovi, barem na taj dan, međusobno surađuju i zajedničkim zalaganjem i uvažavanjem ostvare pozitivan humanitarni cilj. Firme i

preduzeća koja su u mogućnosti, školi obezbijede ili materijalna sredstva ili na neki drugi način pruže podršku u samoj realizaciji i održavanju ove manifestacije uspješnom. Ministarstvo unutrašnjih poslova Kantona Sarajevo, Hitna pomoć, Općina Novo Sarajevo, sportski klubovi i javne ličnosti grada Sarajeva na sebi svojstven način pruže podršku, zbog čega je manifestacija „Naših ruku djela“ svake godine sve veća i uspješnija.

5. **Decembarski dani kulture:** Specifičnost ove škole je i još jedna tradicionalna kulturno – umjetnička manifestacija pod nazivom „Decembarski dani kulture“. Cilj ove manifestacije je podsticanje stvaralačkih sposobnosti učenika i razvoj kulturno – umjetničkog izraza učenika kroz direktno učešće u revijalnom programu svih odjeljenja škole. Na ovaj način učenici otkrivaju, razvijaju i njeguju svoje talente i kreativnost.
6. **Školski časopis „Gimnazijalci s Vilsonova“** – časopis koji rade učenici škole, a počeo još 1996. godine, simbolizirajući povratak na Vilsonovo šetalište, u obnovljenu zgradu.
7. **Znak škole i web-stranica:** Učenici su uradili znak škole koji je na početnoj web-stranici škole koju također uređuju učenici <http://treca-gimnazija.edu.ba/>
8. **Ostale aktivnosti:** Sportska takmičenja, sekcije, vannastavne aktivnosti, učešće na raznim edukativnim radionicama, manifestacijama za mlade, školskim takmičenjima, obilježavanje važnih datuma, saradnja sa drugim institucijama, organiziranje seminara i kulturnih događaja, izleti i ekskurzije – sve je to, uz kvalitetnu nastavu, sastavni dio našeg radnog programa. (U prilogu se nalaze vannastavne aktivnosti učenika u posljednjih nekoliko godina)
9. **Volonterizam:** Od protekle školske godine u JU Treća gimnazija učenici I i II razreda su uključeni u projekat *Društveno korisnog učenja* koji ima za cilj odgoj i obrazovanje učenika kao budućih društveno odgovornih i aktivnih građana. Učenici su kroz društveni aktivizam i volonterizam na različite načine doprinijeli društvenoj zajednici u kojoj žive.
10. **Saradnja sa drugim školama:** Škola saraduje i na lokalnom nivou. U protekloj godini JU treća gimnazija je ostvarila značajnu saradnju u obrazovanju, kulturi, nauci i sportu kroz zajedničke projekte, posjete, razmjenu iskustava, izlete i druge oblike organizacije odgojno – obrazovnog rada sa školama iz Japana, Češke republike, Norveške, Danske, Austrije Njemačke, Turske, Crne Gore i sa JU Srednja škola „28. juni“ Istočno Novo Sarajevo.

AKTIVNA SARADNJA PROFESORA, UČENIKA I REDITELJA

JU Treća gimnazija je jedina škola u Kantonu Sarajevo, ako ne i šire, koja sjednice Nastavničkih vijeća otvara za svoje učenike i učenice. Ovim sjednicama prisustvuju učenici i učenice iz Vijeća učenika škole, koji su na Vijeću učenika demokratski izabrani za koordinate svoje razreda. Oni na sjednicama otvoreno i slobodno učestvuju u diskusiji i iznose svoje kritike ili pohvale na račun rada škole, učeći se tako kulturi dijaloga, adekvatnom argumentovanju stavova, asertivnosti i međuljudskom razumijevanju i toleranciji. Također im se na taj način pruža sigurnost i osjećaj prihvaćenosti unutar škole, te saznanje da njihova škola postoji i radi za njih. Poštivanje ljudskih prava, solidarnost i demokratični odnosi su još jedan od imperativa rada ove škole.

Objavljena knjiga „Heroji Treće gimnazije“

Škola je povratkom u obnovljenu zgradu na Vilsonovom šetalištu ugostila tadašnjeg predsjednika SAD Bila Clintona (Bill Clinton), tom prilikom je objavljena knjige *Heroji Treće gimnazije*, koju je napisao David M. Berman - gostujući profesor na Filozofskom fakultetu Univerziteta u Sarajevu, a knjiga je objavljena 2001.godine u SAD, za ovu knjigu predgovor je napisao Sven Alkalaj, također učenik Treće gimnazije,

USPJEŠNI UČENICI – SVJETSKI POZNATI STUČNJACI

Škola je posvećena obrazovanju i odgoju mladih kao građana svijeta, što potvrđuju njihovi rezultati postignuti na evropskim, ali i američkim univerzitetima. Naši učenici su među najboljim ambasadorima Bosne i Hercegovine, a njihov naučni rad prepoznat je na mnogim univerzitetima u zemlji i inostranstvu:

- 1) **Branko Vučijak, GENERACIJA: 1975-1979**, profesor na Odsjeku za industrijski inženjering i menadžment na Mašinskom fakultetu UNSA, veliki stručnjak u oblasti inženjeringa i primjenjene matematike; bio angažovan u brojnim projektima finansiranim od strane EU, UNDP, USAID, World Bank, EBRD, SIDA, NORAD itd. Dr. Vučijak ima više od 90 domaćih i međunarodnih publikacija
- 2) **Darko Lukić, GENERACIJA: 1977-1981**: redovni profesor na Akademiji dramske umjetnosti Sveučilišta u Zagrebu. Predaje i na doktorskom studiju književnosti, izvedbenih umjetnosti, filma i kulture na Filozofskom fakultetu u Zagrebu. Predavao

je gostavao ili saradivao na univerzitetima: Austrija, Velika Britanija, SAD, Italija, Španjolska, Brazil, Argentina, Bugarska, Rumunjska, Poljska. Doktorirao je znanosti o umjetnosti – teatrologiju na Filozofskom fakultetu u Zagrebu 2005., magistrirao dramaturgiju na Fakultetu dramskih umetnosti Univerziteta Umetnosti u Beogradu 1990., Fulbrightov stipendista, stipendist francuskog Ministarstva kulture...

- 3) **Aleksandra Nikolić, GENERACIJA:1981-1985:** vanredni profesor i prorektor za međunarodnu saradnju UNSA.
- 4) **Halid Hrasnica, GENERACIJA: 1982-1986;** Studij na Elektrotehničkom fakultetu Univerziteta u Sarajevu, 1987-1993, zvanje: Diplomirani Inženjer Elektrotehnike (Telekomunikacije); Doktorirao na Tehničkom univerzitetu u Dresdenu, Njemacka, 2004 godine, Fakultet elektrotehnickih nauka i informacionih tehnologija; Preko 50 publikacija u strucnim casopisima i na konferencijama sirom svijeta kao i ucesce u programskim komitetima; Trenutno radi kao Programme Manager u Europskim istrazivackim i inovacijskim projektima – Njemacka;
- 5) **Miroslav Šober, GENERACIJA: 1973-1977;** Redovni profesor Farmaceutskog fakulteta Univerziteta u Sarajevu na predmetima Kontrola lijekova i Toksikološka kemija; Gostujući profesor na Sveučilištu u Mostaru i Sveučilištu u Splitu; Predsjednik Komisije za lijekove pri Agenciji za lijekove Bosne i Hercegovine od 2008 do danas.
- 6) **Nadir Kahvedžić, GENERACIJA: 1976 – 1980,** Elektrotehnički fakultet u Sarajevu – smjer Informatika. Osnivao i radi kao savjetnik u informatičkoj firmi PING d.o.o.. Firma je osnovana 1997. godine i trenutno ima oko 60 zaposlenih od kojih je većina inženjera veoma stručnih u oblastima kojim se bave. PING d.o.o. je izuzetno uspješan na domaćem i inostranom tržištu. Oblasti za koje je specijaliziran su bankarstvo, državne institucije i proizvodnja. Glavna djelatnost je izrada i implementacija kompleksnih softverskih rješenja za veće kompanije i institucije.
- 7) **Sabahudin Bajramović, GENERACIJA:1977 - 1981,** Redovan profesor Poljoprivredno-prehrambenog fakulteta UNSA na oblasti Ekonomika poljoprivrede i prehrambene industrije,
- 8) **Silvana Jukić, GENERACIJA: 1977-1981,** Doktorat iz inženjeringa (Ph.D in Civil and Environmental Engineering, Western University, London, Canada, 2002) zaposlena kao “Adjunct Research Professor, Geotechnical Research Centre, Faculty of Engineering, Western University, London, Canada, 2003-present”, Geotehnicki

inženjer sa licencom u Kanadi (P. Eng.) zaposlena kao “Senior Geotechnical Engineer in exp Services Inc., Canadian Consulting Company, 2002-present”

- 9) **Asja Prohić, GENERACIJA: 1976-1980**, Redovni profesor Medicinskog i Stomatološkog fakulteta, Univerzitet u Sarajevu, Šef Odjela Klinike za kožne i venerične bolesti, Klinički Centar Univerziteta u Sarajevu,
- 10) **Damir Brđanović, GENERACIJA: 1980-1984**, Sveučilišni profesor – IHE Delf Institute for Water Education, Netherlands
- 11) **Dužanka Bošković, GENERACIJA: 1977-1981**, Inženjer elektrotehnike, doktor tehničkih nauka i docent na Elektrotehničkom fakultetu Univerziteta u Sarajevu,
- 12) **Lidija Pehar, GENERACIJA: 1977-1981**, doktorirala pedagogiju, doktorat prvi put 1990. kao najmlađi doktor nauka tada u BiH, drugi doktorat je iz psihologije 2006, radila kao psihoterapeut, gostujući profesor u Njemačkoj; treći doktorat dobila je počasnno u Hamburgu 1994. Član redakcija, učesnik mnogih naučnih skupova, objavila 97 stručnih radova i 10 znanstvenih knjiga, 7 knjiga na bhs jeziku, 2 na njemačkom jeziku I 1 na engleskom jeziku.
- 13) **Mustafa Hrasnica, GENERACIJA: 1977-1981**, Prof. dr. Mustafa Hrasnica, dipl.ing.građ., redovni profesor na Odsjeku za konstrukcije Građevinskog fakulteta Univerziteta u Sarajevu, a nekoliko zadnjih godina je i dekan Građevinskog fakulteta. Nakon mature u Trećoj gimnaziji studirao je i diplomirao na Građevinskom fakultetu u Sarajevu 1987. Magistrirao je i doktorirao 1999. na Građevinskom fakultetu Sveučilišta u Zagrebu. U okviru naučnih istraživanja i usavršavanja boravio je Norveškoj, Švicarskoj, a već 16 godina vodi saradnju Građevinskog fakulteta u Sarajevu sa Institut für Konstruktion und Entwerfen, Univerziteta u Stuttgartu, Njemačka. Publikovao je više od 40 naučnih radova u naučnim časopisima, radio je na više od 100 projekata,
- 14) **Nijaz Ibrulj, GENERACIJA: 1972 – 1976**, redovni je profesor Univerziteta u Sarajevu, doktor filozofskih nauka, prodekan Filozofskog fakulteta Univerziteta u Sarajevu, Dobitnik je “ Zlatne značke Univerziteta u Sarajevu” i stipendija iz “Fonda Hasan Brkić”. Magistrirao je i doktorirao na području logike. Korisnik je stipendije vlade USA “Fulbright Visiting Scholar Program” (1999-2000). Postdoktorski studij je obavio na The University of California at Berkeley kod prof. Johna R. Searlea i prof. Donalda Davidsona, objavljuje naučen radove i naučne knjige, prevodi sa njemačkog i engleskog pokrenu naučni časopis *The Logical Foresight*, osnivač i predsjednik društva *Academia Analytica* – društvo za razvoj logike i analitičke filozofije u BiH je i

mentor prvog bh. znanstvenog inkubatora za mlade istraživače na Univerzitetu u Sarajevu (ZINK), Osnivač je i urednik indeksiranog časopisa *SOPHOS*-časopis mladih istraživača.

- 15) **Sanja Garić, GENERACIJA: 1977 – 1981**, Radi kao redovni profesor na predmetima Retorika (Academic Writing) i Film and Media Studies na Odsjeku za liberalne nauke (British Columbia Institute of Technology, Vancouver, Canada), Magistrirala i doktorirala iz Dramaturgije (Akademija za gledališće, radio, film in televiziju u Ljubljani), radila kao asistent na govoru (Akademija scenskih umjetnosti u Sarajevu), Završila Program za pisanje scenarija (Vancouver Film School)
- 16) **Snježana Marušić-Linkeš, GENERACIJA: 1971-1975**, certifikovani savjetodavac u Kanadi, dobila poziciju kliničkog savjetodavca na Western Univerzitetu-od 2005, diplomirala program Pedagogije i Psihologije na Filozofskom Fakultetu u Sarajevu 1979, 2005- završila Magistarski Program iz Savjetodavne Psihologije na Western Univerzitetu, registrivana kao klinički supervizor.

Navedeni uspješni profesori i stručnjaci iz raznih naučnih oblasti bili su učenici Treće gimnazije koja od svog postanka ostvaruje zadate kriterije za kvalitetnu edukaciju, razvoj i podsticaj mladima čije znanje se cijeni svugdje u svijetu.

Naravno, ovo su sam neki od uspješnih učenika naše škole koji su ostvarili visoke rezultate, a tu su i mnogi današnji usješni ljudi koji daju značajan doprinos razvoju lokalne zajednice i cijele Bosne i Hercegovine, u raznim naučnim, kulturnim i sportskim oblastima.

Po svemu navedenom i sve što bi se još moglo reći, Treća gimnazija je škola sa neprekidnom razvojnom tendencijom, prati savremene procese u nastavi i nauci, odgaja kvalitetne ljude i po mjeri je i djeteta i roditelja i svih njenih uposlenika.

U prilogu:

- *pregled sekcija, projekata i takmičenja u posljednjih nekoliko godina*
- *novinski članci*
- *kopirane pohvale i priznanja*

Muamera Pašić, dipl.pravnik





Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth
Educational-Pedagogical Institute

Broj: 11/1-34-25-1
Sarajevo, 15. 1. 2020. godine

Pašić Muamera, dipl. pravnik

PREDMET: Podrška inicijativi za kandidaturu JU Treća gimnazija za dodjelu Šestoaprilske nagrade u oblasti nauke i obrazovanja
- dostavlja se

Veza: Vaš dopis br. 11/01-38-25 od 13.01.2020.god.

Poštovana,

datumom veze, obratili ste se Prosvjetno-pedagoškom zavodu Molbom za podršku inicijativi za kandidaturu JU Treća gimnazija za dodjelu Šestoaprilske nagrade u oblasti nauke i obrazovanja.

Kako je jedan od zadataka Prosvjetno-pedagoškog zavoda praćenje, vrednovanje i ocjenjivanje rada škola u Kantonu Sarajevo, bili smo u prilici da dugi niz godina pratimo razvoj ove škole i njenih radnika, kao i napredovanje učenika, po čemu je Treća gimnazija postala prepoznatljiva, kako u Kantonu, tako i šire.

Put od devastirane zgrade do, danas moderno uređene i opremljene škole bio je dug i trnovit i od svih njenih sudionika je zahtijevao maksimalan angažman i odricanje. Ipak, to nije spriječilo njene radnike i učenike da postižu izvanredne rezultate na polju razvoja i da postižu rezultate koji su respektabilni, ne samo u lokalnoj zajednici. Treća gimnazija je na svom razvojnom putu bila lider u postizanju rezultata na takmičenjima, organizaciji vannastavnih aktivnosti, osmišljavanju projekata i njihovoj realizaciji. Pored svih aktivnosti oko kojih je škola angažirana, ne možemo, a da ne primjetimo da je u svim pravcima učenik najvažniji. Uz obrazovanje, učeniku se pruža podrška u razvoju ličnosti, pronalazanju puta i budućem zanimanju. Škola je, također, lider i na polju unapređenja odgojno-obrazovnog procesa kroz uvođenje inovativnih metoda rada sa učenicima, od kojih je najsvježiji primjer STEM projekat.

Prosvjetno-pedagoški zavod, kao institucija koja se bavi praćanjem rada obrazovnih institucija u Kantonu Sarajevo, u potpunosti podržava inicijativu za dodjelu Šestoaprilske nagrade Trećoj gimnaziji iz oblasti obrazovanja i nauke.

S poštovanjem,

Direktorica
Ulić Mirada
Dr. sci. Nihada Čolić

Dostavljeno:

- naslovu
- arhivi



web: <http://mon.ks.gov.ba>
e-mail: ppz@mon.ks.gov.ba
Tel: + 387 (0) 33 279-200,
Fax: + 387 (0) 33 279-206
Sarajevo, Aleje Bosne Srebrene bb



**Vijeće roditelja
JU "Treća gimnazija" Sarajevo**

**Kanton Sarajevo
Gradsko vijeće Grada Sarajeva
Odbor za dodjelu "Šestoaprilske nagrade Grada Sarajeva"**

Sarajevo, 31. decembar 2019. godine

PREDMET: Podrška inicijativi Muamere Pašić za dodjelu "Šestoaprilske nagrade grada Sarajeva" u oblasti nauke i obrazovanja

Poštovani,

Obraćamo vam se inicijativom da se "Šestoaprilska nagrada Grada Sarajeva" u 2020. godini dodijeli Javnoj ustanovi "Treća gimnazija", iz oblasti nauke i obrazovanja.

"Treća gimnazija" ove godine slavi 72 godinu postojanja i rada, što je poseban jubilej ne samo za Školu, već i za naš grad. Prilika je da se jubilej uveliča i priznanjem društvene zajednice ustanovi koja je obrazovala i odgojila generacije učenika, stvarajući od njih vrijedne članove društva.

Kao članovi Vijeća roditelja imali smo priliku da se bliže upoznamo sa Školom i da redovno pratimo aktivnosti koje se preduzimaju kako u obrazovno-odgojnom procesu, tako i u projektima od društvenog značaja, koji povezuju školu, nastavnike i učenike sa širom zajednicom. Uvjerili smo se ne samo da je "Treća gimnazija" odličan izbor u pogledu sticanja znanja predviđenih nastavnim programom i postignuća njenih učenika – Škola kontinuirano bilježi najbolje rezultate u Kantonu Sarajevo po uspjehu u učenju i vladanju, a mnogi njeni učenici su osvajači nagrada i medalja na općinskim, kantonalnim, državnim, pa i evropskim i svjetskim takmičenjima u fizici, geografiji, sportu, matematici, stranim jezicima i dr.

Također smo se uvjerali da je ova gimnazija sredina koja stimuliše i inspiriše mlade da stiču nova znanja i razvijaju svoju ličnost. U tu svrhu u Školi djeluje preko 40 različitih sekcija, a svake se školske godine realizuje preko 60 različitih projekata koji uključuju veliki broj raznih učesnika – učenika, profesora, roditelja i prijatelja Škole, čineći Školu izuzetno dinamičnom i aktivnom sredinom. Svake godine organizuje se niz edukativnih radionica za učenike i roditelje, manifestacija koje kod mladih razvijaju kreativni izraz (kao što su "Decembarski dani kulture") do humanitarnih akcija za sve kojima je pomoć potrebna (među kojima je najveća akcija "Naših ruku djela" koja se redovno organizuje). Posebno bismo istakli projekte koji pomažu razvoj ličnosti i pripremaju mlade za suočavanje sa problemima odrastanja poput raznih vrsta ovisnosti, netolerancije i vršnjačkog nasilja, projekte koji razvijaju savjestan odnos prema radu i okolini, a nadasve one koji razvijaju osjećaj tolerancije, prihvatanja i poštovanja različitosti, pomaganja drugima i odgovornosti.

Opredjeljenje škole kao što je "Treća gimnazija" nije samo da obrazuje i odgaja mlade, nego i da ih priprema za buduće izazove i doprinosi njihovom aktivnom uključivanju u lokalnu zajednicu i šire društvene procese kao aktivnih i odgovornih članova društva. Takva postignuća moguće je ostvariti samo u sredini koju prožima duh saradnje, zajedništva i uzajamnog pomaganja onih koji u njoj rade i onih koji u njoj uče. Pored toga, "Treća gimnazija" nije samo podsticajna, ugodna, već i sigurna sredina za mladi naraštaj, bez obzira na različitosti sa kojima učenici dolaze (prema imovnom stanju, vjeroispovijesti, nacionalnoj pripadnosti, jeziku i dr.).

Iz svih tih razloga jedinstveni smo u stavu da bi, da sada ponovo treba da upišemo djecu u srednju školu, naš i njihov izbor ponovo i jedino bila "Treća gimnazija". Smatramo da škola kakva je „Treća gimnazija“ može biti uzor drugim obrazovnim institucijama i da zaslužuje najviša priznanja koja dodjeljuje Grad, te smo odlučili da vam uputimo ovu inicijativu i da vas zamolimo da je sa posebnom pažnjom razmotrite.

S poštovanjem,

**Vijeće roditelja
JU Treća gimnazija**



Prof. Dr. Murčo Obućina, predsjednik

KOR 07-01/2020
Sarajevo, 14.01.2020.

Podrška nominaciji Treće gimnazije za šestoaprilsku nagradu grada Sarajeva

Ovim izražavamo svoje posebno zadovoljstvo nominacijom JU Treća gimnazija za ovo vrijedno priznanje. Naše iskustvo saradnje s ovom respektabilnom obrazovno odgojnom ustanovom je veoma pozitivno, radili smo više zajedničkih projekata iz oblasti interkulturalizma, međureligijskog dijaloga i ljudskih prava. Ove školske godine smo nominirali Treću gimnaziju za ETOS školu čime bi se pridružila drugim svjetskim školama koje rade na unapređenju etičnosti, otvorenosti, tolerancije i solidarnosti.

Na osnovu naše saradnje s Trećom gimnazijom najiskrenije se nadamo da će njen rad biti prepoznat i da će dobiti priznanje koje joj pripada, šestoaprilsku nagradu grada Sarajeva.

Srdačan pozdrav,

Doc. dr. Zilka Spahić Šiljak, direktorica





Naš znak: 08 -01-/20

Datum: 11. 01. 2020.

GRAD SARAJEVO
GRADSKO VIJEĆE
ODBOR ZA DODJELU ŠESTOAPRILSKE NAGRADE GRADA SARAJEVA 2020.

Poštovani,

Željeli bismo dati svoju podršku prijedlogu Vijeća roditelja Treće gimnazije Sarajevo za kandidaturu JU Treća gimnazija za Šestoaprilsku nagradu Grada Sarajeva 2020.

JU Treća gimnazija Sarajevo prepoznata je po svom posebnom pristupu učenicima, prihvatanju drugačijih otvorenog srca i pozitivnoj radnoj atmosferi. Tome u prilog govori i Zlatna povelja Internacionalne lige humanista „Škola za 21. stoljeće“, uručena JU Treća gimnazija 2014. godine, a gimnazijalka sa Vilsonova, Edna Šunjić učestvovala je u Ceremonijalu otvaranja EYOF-a 2019. i bila centralna ličnost u koreografiji „We create together“ cijenjene koreografkinje Edine Papo.

Specijalna olimpijada Bosne i Hercegovine potpisala je sa JU Treća gimnazija Sarajevo Sporazum o saradnji, a ova saradnja započela je nešto prije potpisivanja kroz nekoliko zajedničkih aktivnosti u promociji inkluzije i inkluzivnog sporta. Direktorica JU Treća gimnazija Sarajevo Senada Salihović i direktorica Specijalne olimpijade Bosne i Hercegovine Kada Delić napravile su veliki iskorak u isticanju značaja vršnjačke podrške u osposobljavanju osoba sa invaliditetom za život, povezujući ih kroz sportske i druge aktivnosti.

Budući da je položaj osoba sa invaliditetom u našem društvu veoma nepovoljan, svaki pokušaj da se uključe u normalan život za njih, lokalnu zajednicu i sve nas zajedno predstavlja ogroman korak naprijed. JU Treća gimnazija Sarajevo prva je „UNIFIED“ škola u Bosni i Hercegovini, škola koja na različite načine uključuje vršnjake u zajedničke aktivnosti bez obzira na razlike među njima i zbog toga zaslužuje posebno priznanje.

Nadamo se da ćete uzeti u razmatranje i ovu našu podršku prijedlogu za nominaciju JU Treća gimnazija Sarajevo za dodjelu Šestoaprilske nagrade Grada Sarajeva 2020.

Srdačan pozdrav,

Specijalna olimpijada Bosne i Hercegovine



prof. dr. Kada Delić-Selimović



**SPORAZUM O SARADNJI IZMEĐU
SPECIJALNE OLIMPIJADE BIH I TREĆE GIMNAZIJE**

Pripreme za ceremoniju otvaranja EYOF-a u punom jeku



REALIZACIJA INKLUZIVNIH SPORTSKIH AKTIVNOSTI



GRAD SARAJEVO

GRADSKO VIJEĆE

Odbor za dodjelu "Šestoaprilske nagrada Grada Sarajeva"

Poštovani,

Kao roditelj učenice Treće gimnazije želim da iskažem zadovoljstvo i pružim podršku u kandidaturi škole za **Šestoaprilsku nagradu Grada Sarajeva**.

Moja kćerka Edna Šunjić je prva učenica sa Down sindromom koja pohađa Treću gimnaziju. Mogu samo reći da smo uspjeli postići zajednički cilj, a to je da bude sretna i prihvaćena od strane kompletnog kolektiva i učenika škole, zbog čega smo im neizmjereno zahvalni. Svojim radom i trudom je dokazala da uz adekvatnu podršku sredine, inkluzija živi u pravom smislu te riječi.

Edna je uključena u mnoge vannastavne aktivnosti. Jedina je učenica sa invaliditetom koja je učestvovala na Svečanoj ceremoniji EYOF-a pod motom „We create together“ (Stvaramo zajedno), gdje smo poslali poruku cijelom svijetu da samo zajedno možemo stvoriti bolje sutra.

Nadam se da će Vam ovo pismo podrške doprinijeti u izboru Treće gimnazije za **Šestoaprilsku nagradu Grada Sarajeva** jer je jedna od rijetkih obrazovnih institucija koja poštuje i realizuje „**Konvenciju o pravima djeteta**“

Srdačan pozdrav!

Roditelj



Sabina Šunjić



